

Aña. A planta pedis usque ad vérticem non est in eo sánitas.

Antiphona. Vulnus, et livor, et plaga tumens non est circumligáta, nec curáta medicámíne, neque fota óleo.

Psalmus lxxv.

NOTUS in Judaea Deus: * in Israel magnum nomen ejus.

Et factus est in pace locus ejus: * et habitatio ejus in Sion.

Ibi confrégit poténtias arcuum, * scutum, gládium, et bellum.

Illúminans tu mirabíliter a móntibus aetérnis: * turbáti sunt omnes insipientes corde.

Dormierunt somnum suum: * et nihil invenérunt omnes viri divitiárum in má nibus suis.

Ab increpatióne tua, Deus Jacob, * dormitavérunt qui ascenderunt equos.

Tu terribilis es, et quis resistet tibi? * ex tunc ira tua.

De coelo áudítum fecisti judícium: * terra trémuit et quíevit,

Cum exsúrgeret in judícium Deus, * ut salvos fáceret omnes mansuétos terrae.

Quóniam cogitatio hóminis confitébitur tibi: * et reliquiae cogitatio nis diem festum agent tibi.

Vovéte et réddite Dómino Deo vestro: * omnes qui in circúitu ejus affértis múnera.

Terribili et ei qui aufert spíritum princípum, * terribili apud reges terrae.

Glória Patri, etc.

Aña. Vulnus, et livor, et plaga tumens non est circumligáta, nec curáta medicámíne, neque fota óleo.

V. Vere languóres nostros ipse tulit. **R.** Et dolóres nostros ipse portávit.

De Sermóne sancti Bernardi Abbátis.

Lib. de Pass. Dom. cap. xli.

Lectio iv.



APTUS est Jesus post plúrimas illusiónes tam Judaeórum quam Géntium: post sánguinis plures effusiónes, clavis imítibus má nibus simul et pédibus perforátur, et configitur ligno Crucis Salvátor noster mitíssimus, Jesus. Intuére, et respice rosam passiónis sanguineae, quómmodo rubet in indicium ardentíssimae charitátis. Conténdunt passio et charitas: illa ut plus árdeat, ista ut plus rúbeat.

R. Per mortem destrúxit Jesus eum, qui mortis habébat impérium, * Ut liberáret eos qui tímóre mortis obnoxii erant servitúti. **V.** Unde débuit per

omnia frátribus assimilári, ut miséricors fieret. — Ut liberáret.

Lectio v.

VIDE quómmodo hoc flore rosae florúerit óptima vitis nostra, rubicúndus Jesus. Vide totum corpus, sicubi rosae sanguineae florem non invénias. Inspice manum unam et álteram, si florem rosae non invénias in utráque. Inspice pedem unum et álterum, numquid non rósei? Inspice láteris apertúram, quia nec illa caret rosa, quamvis ipsa subrúbea sit, propter mixtúram aquae; quia, sicut narrat Evangelista, cum unus mílitum láncea latus ejus perforásset, exívit sanguis et aqua.

R. Per hóminem mors, et per hóminem resurréctio mortuórum: * Et sicut in Adam omnes peccavérunt, ita in Christo omnes vivificabúntur. **V.** Novíssime autem inimíca destrúetur mors. — Et sicut.

Ex eódem divo Bernardo.

Serm. de Pass. Dom.

Lectio vi.

RESPICE, Dómine sancte Pater, de sanctuário tuo, et de excélsis coelórum habitáculo, et intuére hanc sacrosánctam hóstiam, quam tibi offert magnus Póntifex noster, sanctus puer tuus Dóminus

Jesus, pro peccátis fratrum suórum, et esto placábilis super multitúdine máltitiae nostrae. Cognosce, Pater, túnicae filii tui Joseph. Heu! fera péssima devorávit eum, et conculcávit in furóre suo vestiméntu ejus. Ecce quinque scissúras lamentábiles in eo relíquit.

R. Vidémus Jesum propter passiónem mortis, glória et honóre coronátum, * Ut pro ómnibus gustáret mortem. **V.** Decébat eum, qui multos filios in glóriam addúxerat, auctórem salútis eórum per passiónem consummári. — Ut pro ómnibus. **Glória Patri. Ut pro.**

In tertio Nocturno.

Aña. Quid sunt plagae istae in médio mánuum tuárum?

Psalmus xc.



CANTATE Dómino cánticum novum: * cantáte Dño omnis terra.

Cantáte Dómino, et benedicíte nómini ejus: * annuntiáte de die in diem salutare ejus.

Annuntiáte inter Gentes glóriam ejus, * in ómnibus pópulis mirabília ejus.

Quóniam magnus Dñus, et laudábilis nimis: * terribilis est super omnes deos.

Quóniam omnes díi Géntium daemónia: * Dóminus autem coelos fecit.

Confessio, et pulchritudo in conspectu ejus: * sanctimonia et magnificentia in sanctificatione ejus.

Afferre Domino patriae Gentium, afferre Domino gloriam et honorem: * afferre Domino gloriam nominis ejus.

Tollite hostias, et introite in atria ejus: * adorare Deum in atrio sancto ejus.

Commoveatur facies ejus universa terra: * dicite in Gentibus quia Dominus regnavit.

Etenim correxit orbem terrae qui non commovebitur: * iudicabit populos in aequitate.

Laetentur coeli, et exsultet terra, commoveatur mare, et plenitudo ejus: * gaudebunt campi, et omnia quae in eis sunt.

Tunc exsultabunt omnia ligna silvarum a facie Domini, quia venit: * quoniam venit iudicare terram.

Judicabit orbem terrae in aequitate, * et populos in veritate sua.

Glória Patri, etc.

Añã. Quid sunt plagae istae in medio manuum tuarum.

Añã. His plagatus sum in domo eorum, qui me diligebant.

Psalmus xcvi.

DOMINUS regnavit, exsultet terra: * laetentur insulae multae.

Nubes, et caligo in circuitu ejus: * justitia, et iudicium correctio sedis ejus.

Ignis ante ipsum praecedet, * et inflammabit in circuitu inimicos ejus.

Illuxerunt fulgura ejus orbi terrae: * vidit, et commota est terra.

Montes, sicut cera fluxerunt a facie Domini: * a facie Domini omnis terra.

Annuntiaverunt coeli iustitiam ejus: * et viderunt omnes populi gloriam ejus.

Confundantur omnes, qui adorant sculptilia: * et qui gloriantur in simulacris suis.

Adorate eum omnes Angeli ejus: * audivit, et laetata est Sion.

Et exsultaverunt filiae Judae, * propter iudicia tua, Domine:

Quoniam tu Dominus altissimus super omnem terram: * nimis exaltatus es super omnes deos.

Qui diligitis Dominum, odite malum: * custodit Dominus animas sanctorum suorum, de manu peccatoris liberabit eos.

Lux orta est justo, * et rectis corde laetitia.

Laetamini iusti in Domino: * et confitemini memoriae sanctificationis ejus.

Glória Patri, etc.

Añã. His plagatus sum in domo eorum, qui me diligebant.

Antiphona. In amaritudine sermo meus est, et manus plagae meae aggravata est super gemitum meum.

Psalmus xcvi.

CANTATE Domino canticum novum: * quia mirabilia fecit.

Salvavit sibi dextera ejus: * et brachium sanctum ejus.

Notum fecit Dominus salutare suum: * in conspectu gentium revelavit iustitiam suam.

Recordatus est misericordiae suae, * et veritatis suae domui Israel.

Viderunt omnes termini terrae * salutare Dei nostri.

Jubilate Deo omnis terra: * cantate, et exsultate, et psallite.

Psallite Domino in cithara, in cithara et voce psalmi: * in tubis ductilibus, et voce tubae corneae.

Jubilate in conspectu Regis Domini: * moveatur mare, et plenitudo ejus: orbis terrarum, et qui habitant in eo.

Flumina plaudent manu, simul montes exsultabant a conspectu Domini: * quoniam venit iudicare terram.

Judicabit orbem terrarum in iustitia, * et populos in aequitate.

Glória Patri, etc.

Añã. In amaritudine sermo meus est, et manus plagae meae aggravata est super gemitum meum.

Ipse vulneratus est propter iniquitates nostras. R. Attritus est propter scelera nostra.

LECTIO sancti Evangelii secundum Joannem.

LECTIO vii. Cap. xix.

IN illo tempore: Sciens Jesus quia omnia consummata sunt, ut consummareretur Scriptura, dixit: Sitio. Et reliqua.

Homilia sancti Cyrilli Episcopi Alexandrini.

Lib. 12. Comm. in Joann.

UM ab immani bus Judaeis omnis in Christum expleta esset impletas, nec quidquam jam ad summam crudelitatem reliquum esset, ad extremum caro Christi sanctissima proprium quiddam, ac naturale rursus patitur. Multis enim, ac variis doloribus exsiccata, siti torquetur. Graves siquidem dolores magnam ad sitim commovendam vim habent, naturali quodam, et inexplicabili calore humidum consumentes, et igneis ardoribus praecordia urentes.

R. Manifestata est gratia Dei per illuminationem Salvatoris nostri Jesu Christi: * Qui destruxit mortem, illuminavit autem vitam in incorruptionem. **V.** Liberavit et vocavit nos vocacione sua sancta per gratiam, quae data est nobis in Christo. — Qui destruxit.

Lectio viii.

CONSUMMATUM esse ait impietatis Judaicae modum, et impotentem saeviendi animum. Quid enim Judaei intentatum reliquerunt, aut quid non extremae crudelitatis adhibuerunt? Quod supplicii aut contumeliae genus praetermisérunt? Quamobrem jure, Consummatum est, ait, sed hora jam eum ad praedicandum spiritibus qui apud inferos erant, invitante (advénit enim, ut mortuorum ac vivorum dominaretur) ipsam pro nobis mortem suscepit, communem hanc naturae nostrae passionem sustinuit in carne sua.

R. Dignus es, Dómine, accipere librum, et aperire signacula ejus, quoniam occisus es, et redemisti nos Deo. * In sanguine tuo. **V.** Fecisti enim nos Deo nostro regnum, et sacerdotes. — In sanguine. **Gloria Patri.** In sanguine. **V.** Jube, domine. **Bened.** Per evangelica dicta.

Lectio ix. de Homil. Feriae.
Lectio sancti Evangelii secundum Joannem.

Lectio ix. Cap. iv.

IN illo tempore: Venit Jesus in civitatem Samariae, quae dicitur Sichar, juxta praedium, quod dedit Jacob Joseph filio suo. Et reliqua.

Homilia sancti Augustini Episcopi.

Tr. xv. in Joann. post init.



MAM incipiunt mysteria. Non enim frustra fatigatur Jesus: non enim frustra fatigatur virtus Dei: non enim frustra fatigatur, per quem fatigati recreantur: non enim frustra fatigatur, quo deserente fatigatur, quo praesente firmatur. Fatigatur tamen Jesus, et fatigatur ab itinere, et sedet, et juxta puteum sedet, et hora sexta fatigatus sedet. Omnia ista innuunt aliquid, indicare volunt aliquid: intentos nos faciunt; ut pulsemus, hortantur. Ipse ergo aperiat et nobis et vobis, qui dignatus est ita hortari, ut diceret: Pulsate, et aperietur vobis.

Te Deum laudamus. 21.

AD LAUDES,

et per Horas, Añae.

1. Vere languores nostros ipse tulit, et dolores nostros ipse portavit. **Psalm.** Dominus regnavit, cum reliquis de Laudibus. 22.

2. Ipse autem * vulneratus est propter iniquitates nostras, attritus est propter scelera nostra.

3. Alligavit Dóminus * plagam populi sui, et percussuram ejus sanavit.

4. Omnis, qui transibit, stupébit super omnes plagas ejus.

5. O vos omnes, * qui transitis per viam, attendite, et videte, si est dolor sicut dolor meus.

Capitulum. Is. liii.

CHRISTUS vulneratus est propter iniquitates nostras, attritus est propter scelera nostra, cujus livore sanati sumus.

Hymnus.

LUSTRA sex qui jam perégit,
Tempus implens corpore,
Sponte libera Redemptor
Passioni deditus,
Agnus in Crucis levatur
Immolandus stípite.

Felle potus ecce languet,
Spina, clavi, lancea
Mite corpus perforarunt:
Unda manat, et cruor:
Terra, pontus, astra, mundus,
Quo lavantur flumine!

Crux fidelis, inter omnes
Arbor una nobilis:
Silva talem nulla profert
Fronde, flore, germine:
Dulce ferrum, dulce lignum
Dulce pondus sustinent.

Flecte ramos arbor alta,
Tensa laxa viscera,
Et rigor lentescat ille,
Quem dedit nativitas;
Et superni membra Regis
Tende mihi stípite.

Sola digna tu fuisti
Ferre mundi victimam;
Atque portum praeparare
Arca mundo naufrago,
Quam sacer cruor perunxit,
Fusus Agni corpore.

Sempiterna sit beatae
Trinitati gloria,
Aequa Patri, Filioque:
Par decus Paraclito:
Unius Trinique nomen
Laudet universitas. Amen.

V. Vidébunt, in quem transfixerunt. **R.** Et dolébunt super eum, ut in morte Primogéniti.

Ad Bened. Añae. Unus militum lancea Latus ejus aperuit, et continuo exivit sanguis et aqua.

Oratio.

DEUS, qui unigeniti Filii tui passione, et per quinque Vulnera ejus, sanguinis effusione, humanam naturam peccato perditam reparasti: tribue nobis, quaesumus; ut qui ab eo suscepta Vulnere veneramur in terris, ejusdem pretiosissimi sanguinis fructum consequi mereamur in coelis. Per eundem Dóminum.

Et fit Commemoratio Feriae, Añae. Aquam quam

ego dédero, si quis biberit ex ea, non sitiet in aetérnum.

V. Angelis suis Deus mandávit de te. **R.** Ut custódiant te in ómnibus viis tuis.

Oratio.

JEJUNIA nostra, quaesumus, Dómine, benigno favóre proséquere: ut, sicut ab aliméntis abstinémus in corpore, ita a vítiis jejunémus in mente. Per Dóminum.

AD TERTIAM.

Añã. Ipse autem.

Capit. Christus, ut supra.

R. br. Foderunt manus meas * Et pedes meos. Foderunt. **V.** Dinumeraverunt ómnia ossa mea. Et Glória Patri. Foderunt.

V. O vos omnes, qui transitís per viam. **R.** Attendite, et vidéte dolórem meum.

AD SEXTAM.

Añã. Alligávit Dóminus.

Capitulum. Is. I.

FACIEM meam non avéti ab increpántibus et conspuéntibus in me. Dóminus Deus auxiliátor meus, et ideo non sum confúsus.

R. br. Vere languóres nostros * Ipse tulit. Vere. **V.** Et dolóres nostros ipse portávit. Ipse. Glória Patri. Vere.

V. Disciplina pacis nostrae super eum. **R.** Et livóre ejus sanáti sumus.

AD NONAM.

Añã. O vos omnes.

Capitulum. Is. liii.

TRADIDIT Christus in mortem ánimam suam, et cum scelerátis reputátus est; et ipse peccáta multórum tulit, et pro transgressóribus rogávit.

R. br. Ipse vulnerátus est * Propter iniquitátes nostras. Ipse. **V.** Attrítus est propter scélera nostra. Propter. Glória Patri. Ipse.

V. Oblátus est quia ipse voluit. **R.** Et non aperuit os suum.

IN II. VESPERIS.

Omnia ut in primis.

Ad Magnif. **Añã.** Ego sum vestra redemptio: manus meae, quae vos fecerunt, aquam péti pendens, et acétum porrexerunt; in escam meam fel dederunt, et in latus lanceam; mórtuus et sepúltus resurrexi: vobiscum sum, ut vivo in aetérnum.

Oratio. Deus, qui unigéniti, ut supra. 107.

Et sit Commemor. Feriae. **Añã.** Dñe, ut video, Prophéta es tu: patres nostri in monte hoc adoraverunt.

V. Angelis suis Deus mandávit de te. **R.** Ut custódiant te in ómnibus viis tuis.

Oratio.

PRAESTA, quaesumus omnipotens Deus: ut, qui in tua protectióne confidimus, cuncta nobis adversántia, te adjuvante, vincámus. Per Dóminum nostrum.

FERIA SEXTA
POST DOMIN. IV. QUADRAGESIMAE.

In Festo Pretiosissimi Sanguinis Domini Nostri Jesu Christi. Duplex.

Pro Clero Urbis, et alibi.

AD VESPERAS.

Añãe. 1. Quis est iste, qui venit de Edom, tinctís véstibus de Bosra? Iste formósus in stola sua. **Psalms.** Dixit Dóminus, cum reliquis. 1.

2. Ego qui loquor justitiam, et propugnátor sum ad salvándum.

3. Vestitus erat veste aspérsa sángine, et vocátur nomen ejus Verbum Dei.

4. Quare ergo rubrum est indumentum tuum, et vestiménta tua, sicut calcántium in torculari?

5. Torcular calcávi solus, et de géntibus non est vir mecum.

Capitulum. Hebr. ix.



RRATRES: Christus assistens Póntifex futurórum bonórum, per ámplius et perfectius tabernáculum non manufactum, id est non hujus creatiónis, neque per sánguinem hircórum, aut vitulórum, sed per próprium Sanguinem introiit semel in sancta, aeterna redemptione inventa.

Hymnus.

FESTIVIS résonent cómpita vóribus, Cives laetitiam fróntibus éxplicit, Taedis flammiferis órdine pródeant Instrúcti púeri et senes.

Quem dura móriens Christus in árbore Fudit múltiplici vulnere Sanguinem,

Nos facti mémoires dum cólimus, decet Saltem fúndere lácrymas.

Humáno géneri perniciés gravis Adámi vétéris crimine cóntigit, Adámi intégritas, et pietas novi

Vitam reddidit ómnibus.

Clamórem válidum summus ab aethere Languéntis Géniti si Pater áudiit,

Placári pótius Sanguine débit, Et nobis véniam dare.